

武甯縣志卷之二十七

武甯縣知縣粵東何慶朝纂

藝文 制誥 奏疏 書籍

古稱傳世曰功德言文詞于言尤其精焉紀功銘德用託
不涇青邱怪石穹林靈泉闡濶奧異幽秘以宣柳記杜詩
地因人傳豫甯遐曠自昔而然艾侯列鼎柳伯名山雲烟
不朽載籍綿延述作相承式視斯文志藝文

宋

光宗除周友直東宮侍講詔

儲禁啟圖書之秘美富備呈恩綸分絳席之榮夾輔宜篤銅
鶴香生不僅等侍臣之鵠立金墀瑞靄要必效講究於鱣堂
咨爾周友直學窮三墳才優四輔特命為東宮侍講朝夕納
誨培國本於王謨帝典之中左右維勤養儲德於東壁西園
之內庶羽翼得人俾誠正交慈倘其欽哉毋忝厥命

武甯縣志

卷二十七

藝文 制誥

七十二 四百四十五

甯宗除周友賢敷文閣學士制

奎文燦天孫之錦紫閣騰輝藜照分太乙之光瑤編煥彩蓋
懋德乃宜懋官大才必為大用咨爾周友賢文堪華國才足
敷猷特授敷文閣學士重屋九筵固望資於啟沃十行一札
端有藉於蒐羅坐論而經營四方從容以調燮萬化譽重公
孤祇承休命

甯宗除周友仁兼兵部尚書制

睢鳩司夏爰垂九伐之文司馬典兵乃定六師之制環法樞
而置弼南省莊嚴指樾蔭以思賢西曹望重屈突通之清廉
可尚姚元之之精敏堪嘉咨爾具官周友仁秉將相之資樹

公忠之績入稱三傑帷幄待之運籌出總五戎塞垣可以臥治茲特命汝以本職兼兵部尚書事永言禁暴仁增題劍之榮事切安人更遂揮金之樂正邦繫賴寵德攸宜行觀試可之能勉副才難之選

恭帝除冷應元提刑福建知漳州誥

朕敬保嘉師惟重惟輕司政典獄其難其謹七閩控山海之險漳浦多萑苻之虞澄察鎮服惟其廉能以爾剛介有守可停疑決滯禁毆戢饗命爾祥刑使兼秉郡紐不欲所以弭盜審克所以折獄敷我德音尙其欽哉

恭帝除冷應元廣東提刑誥

朕惟廣東僻在嶺嶠惟良折獄委任非輕博訪廉能資其審克爾以剛介特立爲時所推俾司臬事鎮茲南土繼自今介而有通剛而無亢庶克有濟用寬憂顧以長我王國則予汝

嘉

武甯縣志

卷二十七 藝文 制誥

二

四百八十一

明

世宗授方孟縉浙江按察司僉事誥

溯水東西新離倭酋蹂躪之慘大軍防駐尙未解嚴勁卒武弁環集於境供億繁甚民生益蹙朕甚憫焉汝刑部員外方孟縉性行端肅才具精明鞫獄西曹無少回屈視漕東省多所澄清茲以汝爲浙江按察司僉事檢繩軍衛時勤糾劾之司鎮撫黎元無忘巡省之寄治吏而埋輪宣威祥刑則露冕佈德往欽乃職庶其有休

按制誥爲用人之書有關政教馮志失載殊闕大體前代遺忘已多茲擇其幸存者編入其他恩封貶贈無涉治體

者概不採入

唐

奏分武甯縣西八鄉置分甯疏

觀察使李巽

竊惟武甯一縣所隸者凡二十鄉而太清鄉甘羅鄉縣令治所在焉西鄉趨縣山川修阻輸賦於官踰三百里小民往返疲於道路農桑之業或至荒廢臣等伏見西八鄉有常洲亥市居其中於八鄉道里適均臣請卽市建縣西八鄉悉隸之餘武甯如故於輸賦既便而榛莽退曠之處人跡罕到有司耳目近而易周則於防微杜漸之理或兼有取焉事係民生休戚輒便披宣靜聽勅旨

宋

劾賈似道疏

周應合 邑人

武甯縣志

卷二十七

藝文疏

三

四百七十九

臣應合言臣以菲才上荷聖知擢任重藩報稱無聞復蒙殊眷徵以御史命下之日震悚無地臣伏念人臣事君知無不言雖處嫌疑罔敢隱避臣所欲言冀得伏闕職幸能言益思仰報獨以言官者天子之耳目輔相者天子之股肱股肱得其人而後耳目稱其司唯循位以進在所溺職卽墮格不通亦難盡言臣未敢倉卒拜命用是披瀝以陳竊見平章軍國賈似道身列宰輔時當危急陛下賜之第宅待以殊恩所以勵其忠勤非徒縱之逸豫願似道性本昏庸情濁嗜欲深居養安日圖宴樂內而朝政廢弛漫不稽省外而邊事孔亟匿不以聞諫垣奏章必關白而後行似道得以恣其奸險又排斥異己李芾徐經孫陳著謝枋得王堅等皆貶逐不用正人端士關口奪氣望風引退雖欲劾一日之忠蓋而不可得臣

竊惟今日事勢外寇猖獗土地益蹙正人臣痛哭流涕之日似道不圖報効而怙權壅蔽若此海內之人誰不側目陛下神聖文武豈肯庇此奸回伏乞奪其職司付諸吏議以正典刑使天下知似道欺君負國之罪今日無所逃遁則宗社幸甚生民幸甚臣世被國恩情詞急遽自知狂妄甘伏斧鑕待罪闕下無任懇切謹疏以聞

薦員外郎冷應元劄子

右丞馬廷鸞樂平人

臣伏見陛下用人不次擢拔而中原多故卒無有赤心爲國家者近且偷窳不振營私自便一二骨鯁有爲之人扼於當道惡其正直斥不得用使天下不見人才之効臣甚憂之禮部員外郎冷應元持身端介泄事明敏頗通朝政盡所欲言罔知避忌又諳練機務勇於有爲無復瞻顧良屬殊才可勝重任倘令專意四方庶或刀當一面唯陛下念人才難得而微臣得以陳其所知謹奉狀上聞取進止

武甯縣志

卷二十七

藝文疏

四

七百廿三

薦鄉貢進士葉黠疏

右丞章鑑分甯人

臣鑑伏讀某月某日宸翰示令內外臣工各以類舉人才不得苟飾虛詞以應故事者臣重荷寵眷謬陪侍從雖或延訪不周敢蹈蔽賢之罪姑就耳目所接上應旁求之書竊見龍興府武甯縣鄉舉進士葉黠好學淹博久爲士林所尊行已潔清不失鄉黨之望兩魁潛薦對人未嘗言文一意孤高生平恥事干謁老練典章可備清筵顧問周歷時事足任外郡馳驅當此烽烟交警正需才俊之時豈使衡廬樂飢致有遺逸之嘆苟有裨於家國罔不竭其愚忠謹具狀以聞唯陛下裁擇

國朝

請

旨責懲通事疏

太僕寺卿 盧 浙容菴

奏為暎咭喇國使臣傲慢無禮已奉

旨發還貢物逐令回國不治其罪臣愚請將通事詰責懲辦

以崇

國體以警奸邪仰祈

聖鑒事竊思暎咭喇國遠在外洋慕化輸誠

遣使入貢豈有不遵奉

天朝約束敬恭承順之理乃該使臣於跪叩

禮節抗不遵行經我

皇上兩次派遣大臣傳

武甯縣志

卷三十七

藝文 疏

五

七十六 三百七十一

諭並令寬期演習業已帶至

官門

恩予瞻覲仍復始終抗違託病不入竟致不克成禮賫貢空

回殊出情理之外臣竊意此中必有奸邪通事挑撥蒙

蔽以致如此嘗試考之往籍宋時高麗入貢使者凌蔑

州郡押伴使臣皆本路筦庫乘勢驕橫至與鈐轄抗禮

時蘇軾通判杭州使人謂押伴等曰遠夷慕化而來理

必恭順今乃爾暴恣非汝導之不至是不悛必當奏聞

押伴者懼乃為斂戢又於闐使者入貢過秦州經畧使

以客禮高之使者騎甚壞傳舍什器縱其徒入市掠飲

食陳希亮聞之曰使者初不敢橫暴此皆譯者教之乃

使人持符告譯者曰入吾境有秋毫不如法吾當斬若

取軍令狀以還使者至羅拜庭下入境出境無敢譁者
以此二事觀之此次嘆咭喇貢使敢於違拗必有奸邪
通事從中播弄不可不加詰責且由通州登舟回國經
歷數省過大庾嶺至廣東省放洋中間水陸數千里貢
使伴黨將近百人若不加以懲辦恐沿途一帶仍有不
遵約束之處蘇楞額廣惠二人不知大體現於
輦轂之下尙一味軟弱將就蒙蔽離京稍遠必更多姑息
雖奉有

諭旨沿途添派文武大員協同照料而蘇楞額廣惠二人係
長途護送意恐復生事端再罹重咎必仍以將就了事
爲得計彼分途照料者又未必遽肯認真辦理如此則
恐該使臣等肆無忌憚愈致不成事體相應請

武甯縣志

卷二十七

藝文 疏

六

三夏十二

旨將該通事嚴加詰責以示懲創並

嚴諭蘇楞額廣惠暨各省派出文武大員倘該貢使等在途
稍有不遵約束之處卽

奏明按法懲辦不可姑容雖

聖德寬洪覆之如天地亦不可不震之以雷霆臣愚昧之見
是否有當伏乞

皇上睿鑒

訓示謹

奏

福建道御史任

風沙示警敬陳管見疏

奏爲風沙示警敬陳管見仰祈

聖鑒事竊見本月初八日申酉之交風沙蔽天始猶不甚怪異一二刻之間忽然昏黑直如深夜久乃紅亮經時稍息至暮雷雨交作消氛掃翳亦既化沴爲祥矣臣於駭愕之餘轉爲慶幸我

皇上遇變修省恐以致福者必有在也臣揣測其故莫識所由往代所傳五行傳五行志以及京焦占驗之說皆穿鑿附會強求證應臣不敢妄爲摭拾然沴氣之來必有所自我

皇上敬

天法
祖

勤政愛民以洪範之休咎徵應推之當有時雨時暘時風之

武甯縣志

卷二十七

藝文疏

七

四百十五

應乃各直省遠近比歲多屬豐稔而近畿五百里自上年秋冬至今風多雨少轉不免亢旱之虞

皇上虔誠禮禱夙夜焦思本月初四日奉

上諭順天府所屬近畿五百里以內澍雨未霑風日曠燥默思其故或係

上蒼示警此數百里內有在逃逆犯潛藏隱匿日久未獲以致

沴氣所結上邊祥和著步軍統領衙門順天府五城各於所轄境內嚴密訪拏留心緝緝欽此此誠我

皇上除莠安良化沴導和之至意果係如此

明諭既下雖未必甘澍如期亦不應沴氣轉熾臣再四思慮莫測所由意恐緝捕員弁中或不免因有此

旨率意妄拏貪功冒賞擾累平民者似不可不嚴行申禁且

據現在情事而論逆黨之查拿已經六載如祝現等逆
犯罪大惡極日久稽誅自當嚴緝務獲至與逆犯稍有
干連情在可矜可疑者於書有脅從罔治之文於易有
前禽不誠之筮我

皇上曾經屢降

諭旨嚴禁妄挈並將緝捕委員等通行撤回又許自首免罪
所以保善良而安反側者非不周至而所在官役往往
奉行不善捕風捉影以致人人自危甚且有畏累賄脫
致破家私者此非施一曠蕩之

恩爲之限制竊恐牽連滋蔓殆無已時臣愚以爲現在最要
次要名在刑書各犯自應仍舊訪挈此後有曾經脅從
或稍有干涉情在可疑者既已斂迹自新應請一概不
問儻此後所挈之犯又有牽連供出但不在最要次要
之中皆請從寬免其挈究勿令蔓延卽請將此意於日
前所奉

武甯縣志

卷二十七

藝文 疏

三百七十五

諭旨之外嚴切申明俾所在緝匪各員弁皆知取所重而舍
所輕則不但可以免誣陷而開自新兼可以招首告而
杜反噬是或亦消沴導和之一助也是否有當伏乞

聖明睿鑒謹

奏

嘉慶二十三年四月十一日

兵科給事中任

陳請湯斌從祀疏

奏爲

聖駕臨雍有日講

旨酌增從祀以表前賢以勵後學以裨風化事竊惟治理原於學術興化厥在崇儒儒有純修必明體始能達用禮隆配食惟繼往乃以開來近以歷代帝王道宗孔孟典禮攸崇漢唐宋元明大儒輩出各擇其學術深醇政事彰著者列於從祀意至美也我

朝

列聖相承崇儒重道邁越前古康熙五十四年題准以宋儒范仲淹增入從祀雍正二十年又以先賢諸儒縣直牧皮樂正子公都子萬章公孫丑漢諸葛亮宋尹焞魏了翁黃幹陳淳何基王柏元趙復金履祥許謙陳皓明羅欽順蔡清

武甯縣志

卷二十七

藝文 疏

九

四百五十五

本朝陸隴其共二十人定議增入乾隆二年又以元儒吳澄復祀太學伏思

本朝儒臣正不乏人其地亦不勝枚舉而天下士大夫所翕然同稱者實惟陸隴其湯斌爲最康熙時號稱湯陸湯之名尤在陸之上陸之學恪守程朱固無遺議湯之學其初用王守仁良知之言以立根脚而居敬以立體窮理以致用既尊德性仍道問學實與朱程同出一轍臣觀其與同輩往復論學講書諄諄然以橫分畛域妄起戈矛爲戒廣大寬和尤爲得體四庫全書提要特稱其能持新安金谿之平臣詳查前尙書臣湯斌忠孝性成幼卽慕學順治壬辰成進士授職詞垣旋擢潼關道升嶺北道叅議俱有異政終養回里時有容城孫奇逢

講學蘇門猶折節奉^之八之以薦起制科受職史館纂
修明史出撫江左正巳卒屬興利除弊政績尤多入值
經筵啟沃勤懇

聖祖仁皇帝眷注甚隆凡會議大事必問湯斌云何旋以疾終
朝野同懷雍正十一年奉

旨入祀賢良祠

賜謚文正並頌

御製碑文當時有以從祀請者部議頗以著書尙少為疑然祀

典雖未即定猶奉

旨有日久自有論定之言又於乾隆五年奉

諭湯斌陸隴其學術純正言行相符此二人允為一時之冠天

下人士至今傳誦之臣愚竊以為前編書臣湯斌學術

武甯縣志

卷二十七

藝文 疏

十

四百〇五

深醞事業昭著不減前賢至於以著書尙少為疑則不
言而躬行正聖門所貴德行之科所以先於文學臣束
髮受書稍識趣向而於湯斌之言心切愛慕邇來三載
視學河南經其故里訪其遺書得其家所藏嵩談錄讀
之生平學問本末具存讀其文集居官奏疏經國猷謨
忠肝古誼體立用行其他雜文亦無不可見其躬行心
得之實四庫全書載湯子遺書十卷謂其堅苦自持事
事講求實用至奏議疏章周密條晰詳明不同迂論非
溢美也我

皇上崇儒重道與

列聖相承

登極以來優禮士類茲於二月丁未

親謁

文廟行禮又於二月十三日

臨雍講學鴻儀懋舉天下向風前尚書臣湯斌應否從祀之

定論咸有待於

陛下伏乞

皇上勅下禮部詳悉核議明臣劉宗周上年以御史馬步蟾

之奏曾奉

恩旨准其從祀綜計明臣從祀者已有七人我

朝大儒輩出現在從祀者僅有陸隴其一人湯斌之外似

尚有可以並議者臣知識短淺非有聞見之確不敢妄

及謹恭摺具

奏伏乞

武甯縣志

卷二十七

藝文 疏

十一

八十二
二百九十六

皇上聖鑒謹

奏

道光三年

通政使司參議任

禮部議奏崇祀鄉賢疏

禮部謹 奏為遵

旨議奏事禮科抄出江西巡撫周之琦會同兩江總督陶澍

江西學政翁心存題請已故太僕寺卿盧浙入祀鄉賢

祠一疏奉

旨該部議奏欽此欽遵抄出到部查定例各直省呈請入祀

鄉賢應准應駁由部核實定擬其生前實係品學端醇

名實相符者覆核具 奏請

旨如僅以人品學問空言譽美並無實蹟者卽行議駁以昭
慎重其有大臣身後題請入祀者專

摺具 奏等語今查該省送到事實冊內開已故太僕寺卿
盧浙江西進士由戶部主事歷官至太僕寺卿該故員
天性孝友事繼母尤盡愛敬居鄉加意任卹分廉贍族
推惠甚廣官御史時巡視漕務屏絕苞苴直官河南學政
時尤以正人心端士習爲已往刊爲學須知學規各條
悉躬行實踐之學更能潛心經義著有周易經義審一
書允爲士林模楷所有已故太僕寺卿盧浙入祀鄉賢
祠之處洵屬名實相符臣等謹擬如該撫等所請准其
入祀鄉賢祠恭候

命下臣部遵奉施行事關大臣崇祀謹循例專

武甯縣志

卷二十七

藝文 疏

十一

八十三
三百六十四

摺具 奏請

旨奉

旨依議欽此

部頒書籍

欽定書經傳說彙纂一部二函 計二十四本

欽定詩經傳說彙纂一部二函 計二十四本

欽定春秋傳說彙纂一部二函 計二十四本

欽定周易折中二函 計二十四本

欽定性理精義一函 計五本

上諭四部 計九十六本

又續發訂正 四本

宣講一部 計二十四本

又訂正四本

文武相見儀注三部 計六本

上諭內典二部 計二本

武甯縣志 卷二十七

藝文 書籍

十三

三十四

學政全書二部二函 計十六本

續增學政全書二部二函 共八本

文廟樂章五部 各一本

歷祀廟壇祭文 計一本

欽定書經傳說彙纂二部二函 計二十四本

欽定春秋傳說彙纂二部四函 計四十本

欽定詩經傳說彙纂二部四函 計三十二本

欽定性理精義二部二函 計八本

御批資治通鑑綱目二部八函 共計一百六十本

日講四書解義一部二函 計十二本

上諭條奏例二部 計二十四本

欽定授時通考一部二函 計二十本

明史一部計一百一十二本

欽定四書文一部三函計二十二本

上諭漢清字各一本

御纂詩義折中一部一函計二十本

御纂周易述義一部一函計十本

御纂春秋直解一部一函計十五本

御纂三禮義疏一部計一百八十二本

御製文初集一部一函計十六本

御製詩初集一部四函計二十四本

御製詩二集一部八函計四十六本

欽定清漢對音字式一函一本

欽定評鑑闡要一部一函計六本

武甯縣志 卷三十七

藝文 書籍

十四

三百五十五

江西冊結式一本

磨勘簡明條例五本

憲發書籍

養正遺規二部計二本

訓俗遺規二部計四本

從正遺規二部計四本

教女遺規二部計四本

豫章書院學約一本

又一部共五本

綱鑑正史約一部二函計十六本

孝經通釋一部計一本

小學孝經纂註一部計四本

養正遺規一部計一本

近思錄輯解一部計四本

四禮初稿一部二本

呂子節錄補遺一部二本

呂子節錄一部二本

大學衍義補輯要一部八本

四禮翼一部一本

作文家法二部二本

訓蒙第一書計一本

附邑人書目

晉

交州牋俞益期著

宋

草堂集鄭郊著

沉帚集葉梗著

史纂冷文英著

秋澗集冷克諧著

溪園集洪厓集建康志五十卷周應合著

易說冷轟龍著

樵唱錄冷應登著

龍崖集十卷冷應凱著

芻狗集冷治鳳著

追賢錄葉惟華著

通編筆衡俱邢凱著 補遺

元

耐軒集周天驥著

槃澗集冷士元著

武甯縣志

卷二十七

藝文 書籍

十五

三百十三

雞肋集四卷櫟社塵談冷起予著

艾水集邢以忠著

敝帚集冷同孫著

叩缶集冷留孫著

冷存中詩稿詞稿

冷養吾詩稿

明

體仁錄易理格言余用江著

雁里殘稿方孟縉著

求正稿知耻錄萬廷彩著

梅瀾草盛應律著

浣花詩集萬日驥著

讀易精言邢欽詔著

鳴真稿呂子登著

楚聲四卷江湖奏章二卷樗亭漫記四卷賓陽唱和二

卷志學錄四卷余弼著

羊角山房稿梅花園詩文草駱剌燕遊俚言括蒼景韓

齋集松署紀拙昭代師範同文寡過錄儉旨錄學餘
類紀盛宗齡著

梧隱詩稿萬廷鳳著

禹門集聶如忠著

雲溪集林維翰著

秋水集盛運開著

端居稿城東稿山中稿靡遊草振初稿王枕山人集余

長祚著

寒泉集潘元齡著

秋聲稿董物生著

石竹圃詩稿汪之東著

童觀錄余士清著

秋厓詩集費輶衡著

墨庄遺訓余哲著

蘭根集張毅著

逸園草盛彌俊著

壯遊錄王國珽著

白崖集葉來昌著

國朝

武甯縣志

卷二十七

藝文 書籍

六

三十三

洪厓集家訓錄盧圖龍著

鶴溪詩草陳思珊著

醉月草李容野著

卜緝心解盧元俊著

周易新解余文梓著

巖居集蕭露灤著

春秋心傳水志清崖集詩藪盛際斯著

種雲集張元第著

七峯集梅花詠張居山著

易義參史五卷盧宏勳著

傷寒括註雜病略艾芬著

茅岡集半月堂詩稿洪文機著

耒月草甘棠著

玉枕集張應遴著

論語聞國風錄左氏錄史存莫舟集外集字雲巢稿蠶

墨象居墨定帆錄隱雪草游歷草碧叢玉屑盛暮著

易傳廣言毛詩廣註冰史存吾園集賓竹文選賓竹詩
草冰房碎墨半疇紀聞余騰蛟著

止水集盛鏡著

少廬集焚餘稿余螭著

劍山集留雪草懷人詩集促膝屑言酣碧新語盛樂著
拾愚稿盛世麟著

聽蕉稿盛樵著

魚亭詩草汪軻著

冰園集楊光斗著

周易外傳盧金鏡著

讀詩釋物方瑛著

周易精義審周易說約讀史隨筆為學須知散體文制
藝三種盧浙著

文獻通考正續合編阮十三經注疏校勘記摘錄盧宜
句著

今古地理述讖字編宦拾錄經史考畧循咳詩集王子

武甯縣志

卷二十七

藝文 書籍

七

三百五十一

音著

警世弁言方德皆著

閨榻文集古今醫詩井下集張望著

瘦雪詩草余世蘇著

半船詩草余復著

一夜軒集盧琳著

主雪詩鈔羅穆著

辛亥小錄陳懷著

白邨詩鈔李趣堂著

枕林詩鈔遜香齋文集張斌著

初堂文稿李蓋著

拾遺文集鄧敏著

毅堂文集黃暉吉著

冰房詩草余世蓀著

周易晰疑三禮晰疑汪邨祥著

登瀛草盧鴻翔著

緋芸律賦張明連著

鶴頂園詩草盧藹吉著

滄螺詩鈔夏賢著

泛巢詩草潘藝蘭著

虎山詩草黎澍著

平慮畧刻劉拭著

鄉黨篇講義洪遇舉著

虛吾堂詩稿李修著

棠城子集陳芬著

芥堂集芥堂示詩人槩集余鳴珂著

萬里征圖記王瑞鼎著 醫鈔類編翁藻著

復初齋試帖評註翁蘋著

潔江詩鈔翁繁著 同懷課藝翁宗榮宗樾著

鏡真山房詩草張鳳翥著

芾園詩草劉翔龍著 讀易隨筆柯蘇著

四言典要劉組馨著 嘉樹山房遺草鄧匡涓著

周易窺一角齋試帖陳心傳著

芸海閣文集吳覺著 藕花館詩草李之蘊著

韻典合讀余興泮著

武甯縣志

卷二十七

藝文 書籍

六

百九十九